

四庫全書

子部

欽定四庫全書

子部
同姓名錄卷十三

詳校官中書臣孫球

主事臣祁韻士覆勘

覆校官中書臣汪學金

校對官原任典簿臣郭祚熾

謄錄監生臣金國禮

欽定四庫全書

同姓名錄卷十二

明 余寅 撰

周室同名

考春秋評苑等書魯衛晉鄭吳蔡曹滕俱姬姓
即後世子孫未嘗有冒國號為氏者故得並錄

姬宜臼 姬夷吾 姬班 姬驕 姬勝

姬光 姬稱 姬胡 姬壽 姬朔

姬同 姬頽 姬午 姬嘉 姬友

姬去疾 姬夷 姬申

傳云管蔡邶霍魯衛毛昞邨雍曹滕文之昭也邶晉應
韓武之穆也又云鄭有平惠之勲有厲宣之親於諸姬
為近則魯衛晉鄭吳蔡曹滕諸國命名皆不得相犯今
案史記有名宜曰者二一周平王一晉靖侯有名夷吾
者二一吳侯屈羽之子一晉惠公有名班者二周匡王
曹昭公也有名驕者二周安王晉哀公也有名勝者二
鄭聲公曹武公也有名光者二一晉哀侯為曲沃武公

所虜一吳王闔廬為越王句踐所殺有名稱者二一魯孝公能順道諸侯宣王立為魯後一晉武公以伐滅宗國釐王命為晉君有名胡者二一周厲王使衛巫監謗卒死於彘一蔡叔度之子蔡仲能改行率德復封於蔡有名壽者二一衛宣公之子代太子伋死者一曹文公也有名朔者二一衛惠公譖殺太子而得立者一蔡成侯也有名同者二一魯莊公其生與桓公同日故名一蔡景侯通太子般之婦而被弑有類者二一周王子頹

大夫邊伯等作亂迎立之後為鄭號君所殺一衛公子
頽弑懷公而代立在位四十二年是為慎公有名午者
三威烈王晉定公曹悼公也有名嘉者三魯元公鄭簡
公漢武帝所封周子南君也有名友者三鄭桓公魯季
友蔡隱太子也有名去疾者三周哀王晉頃公鄭靈公
之弟也有名夷者四周簡王晉昭公曹釐公鄭靈公也
有名申者四魯釐公衛戴公蔡文侯蔡昭侯也其在列
國不能盡避而晉靖曹昭諸公猶云在平匡諸王之前

至若晉昭公即位，在景王時，實後簡王六十餘年，敢於不避，何哉？嗟嗟東遷以後，王室式微，寧獨政令不行，即一名諱間，亦較然可覩矣。

兩漢宗室同名

漢宗室多名者，列侯以下不能悉錄。姑舉諸王之表表者：兩劉交、楚元王、菑川懷王、兩劉道、楚安王、彭城考王、兩劉襄、齊嗣王、梁平王、兩劉遂、趙王、梁夷王、兩劉福、河間哀王、中山憲王、兩劉賢、菑川王、膠東哀王、兩劉喜。

城陽共王後漢齊頃王兩劉延城陽頃王後漢阜陵質
王兩劉義城陽敬王代剛王兩劉武梁孝王城陽惠王
兩劉景城陽孝王定陶王兩劉雲城陽哀王東平陽王
兩劉勝中山靖王後漢平原懷王兩劉勃濟北王常山
王兩劉長淮南厲王後漢濟陰王兩劉登代共王後漢
濟北節王兩劉音梁王膠東頃王兩劉授河間頃王膠
東共王兩劉良河間王後漢趙王兩劉元平千繆王後
漢梁敬王兩劉榮臨江閔王後漢沛幽王兩劉光魯安

王六安頃王兩劉端膠西王王後漢東平頃王兩劉昌
趙頃王中山哀王兩劉尊趙懷王後漢琅邪貞王兩劉
偃平干頃王真定烈王兩劉輔中山頃王後漢沛獻王
兩劉衍前漢楚思王後漢下邳王兩劉旦燕刺王長沙
煬王兩劉舜常山憲王廣陽穆王兩劉普真定共王後
漢北海頃王兩劉商泗水思王後漢趙頃王兩劉賀泗
水戴王昌邑王兩劉據戾太子後漢琅邪安王兩劉意
廣陵共王後漢下邳愍王兩劉演淮陽王後漢齊武王

兩劉康定陶共王後漢濟南王兩劉興中山孝王後漢
北海靖王兩劉玄淮陽文王更始將軍兩劉寵後漢樂
安王陳敬王兩劉如意趙隱王廣宗王兩劉定國燕王
梁敬王三劉嘉燕康王梁荒王漢中王三劉壽齊懿王
後漢濟北惠王琅邪恭王三劉尚河間嗣王菑川考王
後漢任城孝王四劉章城陽景王高密頃王後漢齊哀
王常山靖王四劉慶魯孝王河間孝王六安共王後漢
清河孝王四劉定六安繆王後漢沛釐王彭城頃王甘

陵貞王五劉建燕靈王齊靖王江都王廣陽頃王後漢
河間貞王其與王子侯同名者尤衆茲舉其最奇者有
兩劉郢客楚夷王土軍侯兩劉延壽楚王公丘煬侯兩
劉雄渠膠東王春陵侯兩劉不識濟陰哀王蒲領節侯
兩劉辟彊長樂衛尉河間王兩劉千秋烏氏康侯脩市
頃侯兩劉萬年臨樂節侯柳泉煬侯兩劉外人山原孝
侯乘丘侯兩劉異衆樊興思侯鄭侯兩劉自為柳于侯
沈陽侯三劉慶忌魯孝王平度節侯寧陽安侯三劉終

古菑川思王博陽侯栢暢戴侯三劉罷軍管共侯蘭侯
鄭頃侯三劉充國南城釐侯獠夷侯廣鄉侯三劉廼始
浹節侯東陽頃侯平隄侯三劉利親劇魁孝侯平的釐
侯參戶孝侯三劉不害陰安康侯金鄉侯就鄉侯四劉
未央薪館侯容丘頃侯新昌哀侯臨都節侯八劉延年
懷昌胡侯安陽節侯歆安侯祝茲侯安定頃侯復陽嚴
侯中鄉侯樂都侯夫漢去古未遠宗正之職當兢兢不
失而其命名猶然不知顧忌復何以責後世乎

晉宗室同名

司馬景 司馬晃 司馬緝 司馬綽

司馬祐 司馬遵 司馬裒 司馬義

司馬融 司馬超 司馬承 司馬恢之

余閱晉宗室傳沛順王名景而武帝子城陽懷王亦名
景下邳獻王名晃而新蔡莊王之嗣孫亦名晃高陽哀
王名緝而濟南惠王之次子建威將軍亦名緝下邳獻
王之長子名裒而元帝子琅邪孝王亦名裒汝南威王

名祐而南宮縣王之嗣子亦名祐武陵忠敬王名遵而成都王穎之嗣子華容縣王亦名遵遼東悼惠王之孫又名遵下邳獻王之次子良城縣王名綽而南頓王宗之長子奉車都尉亦名綽汝南恭王之子散騎常侍名義而毘陵悼王之嗣子亦名義淮陵貞王名融而河間王顥之嗣子樂城縣王亦名融齊王冏之長子淮陵王名超而南頓王宗之次子亦名超譙閔王名承而武賁中郎將翼之嗣子南宮縣王亦名承彭城敬王之長子

名恢之而譙敬王之次子丹陽尹亦名恢之考其屬籍
不出五服其自相蹈襲若是且不特此而已中丘王名
弘而彭城穆王之孫又名弘之新蔡莊王之繼孫名崇
而彭城穆王之玄孫又名崇之濟南惠王之玄孫漢中
太守名康而譙敬王之從子又名康之惠帝沖太孫名
尚而譙忠王又名尚之襄陽王名範而河間平王之曾
孫游擊大將軍又名範之河間平王之孫名珍而梁王
璉之孫太常卿又名珍之淮南忠壯王名允而譙敬王

之第三子廣晉伯又名允之河間平王之孫名休而譙敬王之第四子荊州刺史又名休之豈增一之字即謂不犯邪夫司馬氏支庶不甚繁且骨肉殘傷自相夷滅兼之五胡雲擾陷沒頗多其紹祚延年者落落若星辰然猶相犯之衆若此當時襲爵命官達之朝廷竟不聞有糾正之者何邪

後魏宗室同名

元丕 元崇 元渾 元忠 元翰 元良

元弼 元暉 元衍 元朗 元提 元熙

元鑒 元幹 元譚 元曄 元融 元誕

元順 元纂

後魏初氏托跋自孝文改姓後遂俱稱元氏其同名者
有兩元丕一明元皇帝之子樂平王一武衛將軍謂之
曾孫東陽王兩元崇一陳留王虔之子襲爵拜并州刺
史一明元皇帝之子建寧王兩元渾一彭城王粟之弟
宰官尚書一陽平王熙之第二子南平王兩元忠一常

山王遵之孫城陽公鎮西將軍一樂良王萬壽之孫襲爵為太常少卿兩元翰一昭成皇帝之子秦王一太武皇帝之子東平王兩元良一衛王儀之子南陽王一樂安王之長子襲爵為鎮都大將兩元弼一左僕射暉之子廣川縣子尚書令一濟陰王小新成之孫中散大夫兩元暉一常山王遵之孫河南尹一陳留王虔之玄孫司憲大夫兩元衍一陽平王新成之子廣陵侯一北海王詳之孫襲爵為通直散騎侍郎兩元朗一左僕射順

之子司徒屬嘗手刃父讎以其首祭父墓一章武王融
之子安定郡王兩元提一河南王曜之子襲爵為統萬
鎮將一臨淮王譚之子襲爵為梁州刺史兩元熙一道
武皇帝之子陽平王一中山王英之子襲爵為平西將
軍相州刺史兩元鑒一潁川王提之孫襲爵為征虜將
軍齊州刺史一安樂王長樂之孫襲爵為尚書右僕射
兩元幹一衛王儀之子新蔡公一獻文皇帝之子趙郡
王兩元譚一太武皇帝之子臨淮王一趙郡王幹之子

征虜將軍涇州刺史兩元曄一扶風王怡之子東海王
一咸陽王禧之子桑乾王兩元融一陽平王新成之孫
直閭將軍一章武王太洛之孫左光祿大夫兩元誕一
濟陰王小新成之孫襲爵為齊州刺史一高陽王雍之
子昌樂王司州牧三元順一地干之子毘陵王一任城
王雲之孫左僕射一常山王遵之曾孫濮陽王三元纂
一秦王翰之孫中山王一廣平王連之曾孫平州刺史
一南安王楨之孫司徒祭酒右列諸人非姪名冒叔即

弟名犯兄紛然淆亂畧無諱避謂夷狄之有君吾不信也

唐宗室同名

按世系表有兩李貞一開化郡公一越敬王兩李儉一襄武郡公一都水使者兩李皎一宋王府司功叅軍一武陽郡王兩李嶷一越州叅軍一宗正主簿兩李厚一左金吾引駕押衙一寧化尉兩李撫一右武衛兵曹叅軍一惠莊太子兩李兼一宋州長史一濟北郡公兩李

重一永王府叅軍一嵩州刺史兩李羣一福州戶曹叅
軍一連江令兩李漳一蒙州刺史一畢王兩李瑾一江
陵郡公一河東郡王兩李惲一蔣王一澧王兩李珙一
六安公一豐王兩李爽一潯陽郡公一黃巖令兩李愔
一倉部員外郎一衢王兩李慶一黃令一太子中允兩
李直一吏部郎中一長水令兩李頊一普州文學叅軍
一汝州刺史兩李澤一孟州錄事叅軍一信都郡公兩
李瓌一漢陽王一襄陵主簿兩李瑋一順陽公一朗陵

王兩李瑗一盧江王一樂安郡王兩李韶一東平王一
安州刺史兩李臻一邠州司法叅軍一濟國公兩李穆
一監察御史一嗣趙王兩李元一太府少卿一大理評
事兩李濟一宗正卿一橋陵令兩李通一左金吾衛大
將軍一恭王兩李欽一張掖郡公一建平郡公兩李璿
一右衛將軍一儀王兩李璩一徐州刺史一惠宣太子
之子特進兩李珍一工部尚書一嗣岐王兩李琬一幽
州都督一睦州長史兩李謂一太常少卿一恭化郡王

兩李遇一御史中丞一端王兩李璫一膠西郡公一嗣
鄭王兩李樞一檢校虞部員外郎一上邽縣男兩李翼
一太子賓客隴西縣子一嗣號王兩李條一司農少卿
一吏部常選兩李詞一太子賓客一義烏令兩李程一
敬宗時宰相一錢塘丞兩李佩一鴻臚卿一信都郡王
兩李澄一梁王一嗣紀王兩李柎一商州別駕一范陽
縣男兩李侶一亳州叅軍一威王兩李挺一虞鄉丞一
松滋尉兩李稹一鄆陵令一鄆丞兩李拭一宗正卿一

宗正少卿兩李璠一路府士曹叅軍一嗣蜀王兩李緒
一沅江主簿一江都郡王兩李綱一褒城尉一密王兩
李陽一饒州錄事叅軍一襄城郡王兩李實一恒王府
叅軍一烏程尉兩李璘一晉州叅軍一永王兩李璿一
嘉王府長史一桂管觀察使兩李璿一成都司戶叅軍
一潁王兩李像一揚子丞一文安郡王兩李述一嗣荆
王一五原公兩李諷一嗣徐王一洪源郡王兩李誼一
武陵郡公一舒王兩李煒一嗣韓王一嗣蔣王兩李瑛

一上庸郡公一棟王兩李璿一南海郡公一涼王兩李
約一兵部員外郎一邵王兩李顥一鄆國公一吏部常
選兩李應一榆次令一譙尉兩李諒一南康郡公一虔
王兩李詡一信安郡公一晉昌郡王兩李津一嗣舒王
一河間郡王兩李翔一莆田尉一鴻臚卿兩李玘一太
子詹事一義王兩李佖一信州刺史一宜春郡王兩李
嶧一戶部侍郎一德王兩李峴一肅宗時宰相一益王
兩李悖一蜀悼王一茂王兩李臯一湖城主簿一嗣成

王戶部尚書兩李準一玉城尉一慶王府叅軍兩李清
一常山公一新平郡王兩李慎一紀王一高陽郡王兩
李琮一義陽郡王一奉天皇帝兩李良一撫州別駕一
丹陽公兩李寀一崑山令一樂安郡王兩李惊一餘姚
令一深王兩李建一嗣紀王一武威郡王兩李脩一建
平王一嗣曹王兩李俊一零陵王一濟南郡王兩李傑
一黎國公一國子祭酒兩李漣一嗣信王守光祿卿一
武功郡王兩李潤一嗣信王一鄂王兩李瓘一嗣許王

秘書監一文安郡公兩李謙一郢國公梓州刺史一資
王兩李俠一庫部員外郎一國子祭酒兩李玠一蒼梧
郡公一河西郡王兩李祕一左散騎常侍一景王兩李
祐一諫議大夫一蔡王兩李逸一嗣岐王一雅王兩李
廻一絳州長史一韓王兩李儼一新平郡王一宣城郡
王兩李汭一清河郡王一昭王兩李滋一馮翊郡王一
夔王三李昭一雙流令一鄆國公一嗣許王三李岑一
雅信二州刺史一璉水令一右千牛將軍三李讓一密

州錄事叅軍一主客郎中一餘姚尉三李瑜一大理評
事一鄭州刺史一長江令三李造一光州司法叅軍一
起居舍人一忻王三李倫一河南功曹叅軍一太僕卿
一安南郡王三李漢一宗正少卿一東陽郡王一靖懷
太子三李禕一郇王一信安王一遂王三李伸一國子
監主簿一平原郡王一滎陽郡王三李暹一靈州刺史
襲廣川郡公一汧源尉一韶王三李絢一襄州支使一
沔陽尉一南昌郡公三李璿一金城令一廣都王一嗣

申王三李珪一樂安郡公一咸寧郡公一陳王三李琳
一安德郡公一中山郡王一嗣寧王三李詢一東安郡
公一荆南揚子兩稅判官一嗣申王三李涉一嗣滕王
一寧塞郡王一晉平郡王三李穎一南安王一義烏丞
一嗣寧王三李恪一吳王一東平郡王一建王三李係
一左清道兵曹叅軍一許國公一越王三李佹一平陽
郡王一涇王一涼王四李福一嗣楚公一太子太傅一
趙王一和王四李銳一隨州刺史一度支漁陽監事一

晉州叅軍一嗣申王四李儀一潯陽丞一懷州叅軍一
國子祭酒一武陽郡王兩李守一一開封令一冀州別
駕兩李方叔一右金吾衛大將軍一商州錄事叅軍兩
李景悞一蔡國公一廬國公兩李少康一睢陽郡太守
一唐興主簿兩李建成一宣州士曹叅軍一隱太子兩
李少微一江陵令一雷澤令兩李言思一宗正少卿一
渠江令兩李文通一壽州團練使破蔡州有功一同州
司馬兩李若冰一右金吾將軍一太子文學兩李少和

一江西觀察使一王屋主簿兩李友諒一延州司馬一
讓皇帝玄孫兩李弘度一洛交主簿一榮州刺史兩李
從簡一穀城令一濠復等州刺史兩李餘慶一國子祭
酒隴西郡王一嗣濮王兩李元裕一鄧康王一太常奉
禮郎兩李紹宗一嗣蔣王一潯陽郡公玄孫兩李元方
一周王一醴泉令三李知柔一御史中丞一滑州觀察
巡官一嗣薛王相昭宗三李公度一靈鹽朔方節度使
一陽鄉尉一吉州文學夫唐宗繁浩相犯者若是其多

然不特此也霍王元軌之子定安郡王名純而憲宗亦名純蜀王名湛而敬宗亦名湛蜀王湛之玄孫徐州司戶叅軍名昂而文宗亦名昂蔡王之曾孫太子家令名炎而武宗亦名炎永王璘之子郾國公名儼而僖宗亦名儼鄭王亮之後刑部侍郎名曄而昭宗亦名曄又不特此也其遠祖有諱洪者仕秦為太子太傅而高祖之季弟漢王又名洪有諱曇者仕秦為御史大夫而高祖之曾孫嗣密王又名曇有諱瑤者為南郡守狄道侯而

卷十二
玄宗之子鄂王又名瑤有諱信者為大將軍隴西侯而
蜀王湛之後昭應令及潤州司戶叅軍又俱名信有諱
廣者即漢武帝時所稱飛將軍而蔣王惲之後義烏主
簿又名廣有諱昶者仕涼為太子侍講而恒山王承乾
之孫扶風太守又名昶有諱曷者即晉時西涼武昭王
追尊興聖皇帝而淮南王神通之後武都郡公又名曷
夫諸宗相犯已非宗正所宜然猶可解曰繁若夫諸帝
同者猶可解曰命名在諸宗之後至洪曇等裔孫乃敢

不避祖先名則大舛矣吾以為臯在當時之典秩宗者

宋宗室同名

趙令璠 趙令瑋 趙令龜 趙仲軌

趙仲青 趙仲丞 趙仲瓚 趙克勤

趙克戒 趙叔海 趙叔候 趙叔琮

趙叔庚 趙叔侶 趙叔潛 趙叔仕

按世系表太祖四子太宗九子魏王廷美十子凡三大
枝其後俱繁盛昌熾余考其同名者在太祖一分支孫

之子有名令璠者二一東頭供奉官一太子右內率有
名令璠者二一華原郡公世奉之子武節郎一平陽侯
世資之子武翼郎有名令龜者二一魯國公世規之子
襄陽侯一嘉國公世秩之子朝奉郎在太宗一枝玄孫
輩有兩仲軌一惠國公一忠州防禦使有兩仲青一彭
城侯一建州觀察使有兩仲丞一南陽侯一成州團練
使有兩仲瓚一榮國公一右監門率府率在魏王廷美
一枝曾孫輩有兩克勤一儀國公一南康侯有兩克戒

一成國公一高密郡公其玄孫有兩叔海一舒國公一
左監門率府率有兩叔俊一左班殿直一忠訓郎有兩
叔琮一忠訓郎一左侍禁有兩叔庚一太子右內率府
副率一內殿崇班有兩叔侶一成忠郎一武翼郎有兩
叔潛一東頭供奉官一忠翼郎有兩叔仕一武翼郎一
脩武郎二帝一王之後其曾玄之相同可屈指者如此
至耳初而下各不減萬人其犯者尤衆何能悉載大抵
忠厚立國享祚久長族屬繁故雷同夥勢所必至曷足

怪焉惜乎封豕長蛇薦食上國徽欽北狩舉族淪虜帝
胄王孫罹禍惜烈大宗小宗至是衰替悲夫

兄弟同名

元新成

後魏景穆十二王傳云景穆皇帝十四男袁椒房生陽
平王新成拜征西大將軍後為內都大官尉椒房生濟
陰王小新成頗有武畧嘗率衆破庫莫奚後為外都大
官史稱景穆明慧強識好讀經史何乃以新成名其兩

子豈增一小字便謂不犯邪其名子尚爾復何怪乎宗室之多同者邪

男女同名

劉黃劉元

前漢河間獻王五世孫劉黃襲封阿武侯趙敬肅王之孫劉元襲封平于王後漢南頓君長女名黃即光武之姊建武二年封為湖陽長公主次女名元與兄仲俱歿於小長安追封新野長公主

李敬

前錄凡三李敬一後漢人有還珠事一隋豐城倉督一
唐西川留後與唐太宗女清河公主同名下嫁寧遠將
軍程懷亮

杜慈

前秦杜慈仕苻生為尚書郎見十六國春秋蜀漢杜季
女杜慈為巴郡虞顯妻在烈女三人中見華陽國志

劉則

前漢宗室凡五劉則一齊文王一陪膠侯一攸輿侯一
參翺侯一鍾武侯而代頃王之子年嗣立後與女弟則
私通有司劾奏廢徙房陵

李治

唐高宗名治又女冠李治字季蘭中興間氣集云季蘭
嘗與諸賢會開元寺知劉長卿有陰重疾嘲之曰山氣
日夕佳長卿對曰衆鳥欣有託舉坐大笑季蘭上倣班
姬則不足下比韓英即有餘

張敬

後漢安帝廢太子為濟陰王太僕來厯與符節令張敬等詣鴻都門證太子無過前漢大司馬張安世女孫敬為霍氏外屬婦霍光子禹謀反當相坐安世瘦懼形於色上怪而憐之以問左右乃赦敬以慰其意

王業

魏王業即劉表外孫位至謁者僕射漢成帝寵趙昭儀詔召成都平阿侯家婢王業等入屬昭儀為私婢成帝

崩昭儀自知罪惡大乃以大婢賜子業等各且十人以
掩其口

張脩

後漢中郎將張脩嘗出使匈奴前漢昌邑哀王有歌舞
者張脩等無子又無官名王薨罷歸

劉陵

漢劉陵為光祿大夫即劉殷高祖見晉書淮南王安有
女陵慧有口王愛陵多予金錢為中詔長安約結上左

右

楊敬

唐楊敬太子詹事楊憑之子第進士官太常少卿蜀漢涪縣楊充之女名敬為同邑郭孟妻華陽國志載在列女三人中

張瑛

南燕慕容德僭即帝位齊郡太守辟閭渾不從叅軍張瑛為渾作檄辭多不遜德擒而殺之彤管遺編有女子

張瑛作望月詩一首是唐時人

李上善

唐宗室開化郡公貞之曾孫上善為尚輦直長玄宗女
楚國公主下嫁吳澄江興元元年請為道士詔可賜名
上善是同族又同名也

劉英

光武第四子楚王英以謀逆廢徙丹陽前趙劉聰使大
鴻臚李弘拜太保劉殷長女英為左貴嬪弘曰太保裔

自有周與聖源實別聰大悅賜弘黃金六十斤

李華

凡三李華已見前錄一北魏都督長史一唐吏部員外郎一宋溧陽孝子與唐睿宗女代國公主同名是劉皇后所生下嫁鄭萬鈞

史鳳

晉史鳳為陳州主簿見陳頴傳唐史鳳宣城妓也待客以等差甚異者有迷香洞神鷄枕鎖蓮燈次則交紅被

傳香枕八分羊下列以閉門羹待之見常新錄

劉雲

漢宗室凡五劉雲一齊哀王一東平煬王一拔靖侯一
臨鄉頃侯一柏鄉頃侯唐時宮人有劉雲能詩見唐詩
品彙

陳豐

趙宋陳豐仙遊人紹興進士知南恩州清儉不擾劉宋
鄔陽陳忠女名豐隣人葛勃有美姿豐與村中數女共

聚絡絲戲相謂曰若得壻如葛勃無所恨

楊進

宋高宗時有巨寇楊進號沒角牛擁衆三十萬往來京西淮南河北侵掠為患宗澤遣人諭以禍福悉招降之後漢廣漢王博妻楊進武陽人烈女見華陽國志

李淑

宋李淑參知政事若谷子官龍圖閣學士唐太宗女蘭陵公主亦名淑下嫁虎州都督竇懷哲

劉芳

北魏劉芳為太常卿裁決郊祀禮樂前趙劉曜妻劉氏病甚曜臨問之劉泣曰妾叔暄女芳有德色願備後宮曜許之

呂榮

元呂榮知易州政尚寬簡訟至立決及代民爭留之不肯為立去思碑唐末呂榮吳人許升妻升遇賊被害榮手刃殺升者以首祭升

兩漢侯王公主同名

漢宗室同名者不特諸侯王有之即公主亦有犯侯王
名者如高祖兄代王名仲而世祖女浚儀公主亦名仲
適軼侯王度前漢菑川懿王之子臨朐夷侯齊孝王之
孫牟平節侯皆名奴而世祖女平陽公主亦名奴適大
鴻臚馮順後漢濟北孝王名次而世祖女平氏公主亦
名次但主生於前前漢州鄉憲侯羽康恭侯浹孝侯皆
名惠而世祖女武安公主亦名惠適征羌侯來稜前漢

城陽共王之子東莞侯膠州繆王之子新市侯趙共王
之子安國侯皆名吉而顯宗女陰安公主亦名吉後漢
順帝名保而肅宗女脩武長公主亦名保但順帝在後
前漢菑川靖王之子鉞侯名成而肅宗女共邑公主亦
名成光武族祖蒼梧太守河間安王皆名利而肅宗女
臨潁公主亦名利適即墨侯賈建前漢中山孝王後漢
北海靖王皆名興而肅宗女聞喜公主亦名興後漢沛
孝王名廣而和帝女汝陽長公主亦名廣後漢梁恭王

名堅而順帝女潁陰長公主亦名堅夫臨朐牟平猶曰
列侯而即墨聞喜則犯諸王矣濟北中山猶曰疎屬而
汝陽則犯近屬矣且高祖兄仲百世之下猶知之矧昭
代乃敢不避此何說邪

女人同名

趙飛鸞

世皆知漢成帝趙皇后體輕善歌舞號曰飛鸞而不知
武帝時已有一趙飛鸞晉書輿服志云世祖挺英雄之

畧總文景之資揚霓拂翳皮軒記鼓橫汾河而祀后土
登井泉而祭昊天奉常獻儀謂之大駕車千乘而騎萬
匹以幸姬趙飛鸞置屬車間豹尾中

趙五娘

漢蔡伯喈妻趙五娘有孝行見琵琶記唐刑部尚書趙
彥昭以女巫趙五娘左道亂常託為諸姑潛相影援彥
昭攜妻就謁申猶子之情見彥昭傳

朝雲

後魏河間王琛有婢朝雲善吹箎能為壘上聲琛為秦
州刺史諸羌叛討之不降琛令朝雲假為貧嫗吹箎
而乞諸羌聞之流涕即相率歸降秦民語曰快馬健
兒不如老嫗吹箎見洛陽伽藍記

蘇東坡有二妾朝雲榴花朝雲死於嶺外惟榴花獨存
故其詞多及之見耆舊續聞

素娥

武三思妓素娥有殊色狄梁公請見之忽失所在乃於

堂與中聞蘭麝芬馥附耳而聽即素娥語曰某花月之妖帝遣奉公言笑梁公時之正人不敢見也見天中記又韋詢美開成中及第受辟挈所寵素娥行羅紹威聞其妹麗求之詢美不敢辭遂以獻之見燈下閑談

玉簫

唐節度使韋臯少遊江夏止於姜使君之館有小青衣玉簫常令祇侍因而有情韋後歸覲與玉簫約五載決來迎取乃留玉指環一枚及逾期不至遂絕食而死韋

聞之甚為悽惋後韋以隴右功拜尚書令因作生日節
鎮皆賀以珍奇獨東川盧八座贈一歌姬亦名玉簫諦
觀之宛然姜氏玉簫也中指有玉環隱起韋歎異謂再
生以續前緣云見雲溪友議

春鶯

蜀王孟昶說宮婢春鶯行則同輿坐則同席末年遭殺
並命合葬墓上有樹生異花似鴛鴦交頸當時名曰鴛
鴦樹見海物異名記又五代王璘婢春鶯有色其子繼

鵬丞之鱗已病繼鵬因父寵婢陳氏以求春鶯鱗怏怏與之

仙釋同名

法安

晉釋法安遠公弟子善持戒行講說衆經新陽縣虎災居民多死傷安遊其縣徑至大社樹下通夜坐禪虎負人而至見安如喜如驚跳伏於前安為說法授戒虎災遂息

隋釋法安安定人出家太白山開皇中至江都謁晉王
相見如舊便住慧日寺王所遊履必召隨從及幸泰
山時遇渴乏四顧唯巖無由致水安以刀刺石引水
崩注用給晉王時大嗟異

僧朗

晉釋僧朗京兆人于金輿谷中創立精舍數十餘區講
誦訓誘孜孜不倦凡來詣者人數多少先一日逆知
使具飲食必如所言秦王苻堅遣使覲遺後沙汰衆

僧別詔朗法師戒德氷霜崑崙一山不在搜例

隋釋僧朗南陽人棲止無定章服麤敝猪肉滿口時復誦經有比丘尼為邪鬼所著辯說經文超悟玄解莫不讚其聰慧朗至尼寺禮佛厲聲呵之此尼承聲下座却立流汗問其慧解奄若聾癡

道安

晉釋道安幼聰敏讀書一覽成誦師事佛圖澄悉聞經典時襄陽習鑿齒鋒辯天逸籠罩當時素聞安名及

見自稱四海習鑿齒安曰彌天釋道安時人以為名
答

宋宋湜以戶部員外郎判刑部淳化二年廬州妖尼道
安訟弟婦事不實械繫安伐登聞鼓訟大理斷獄不
當湜坐降均州團練副使

慧琳

劉宋沙門慧琳秦人有才章兼內外之學嘗著均善論
文帝見而賞之元嘉中遂參朝廷大事著高屐披貂

裴置通呈書佐權侔宰輔

趙宋白馬院僧慧琳本仕族多蓄圖書尊尚士大夫翻
香煮茗終日蕭然不知身在囂塵中見鄧椿畫繼

寶月

齊釋寶月長於詞賦武帝布衣時嘗遊樊鄧登祚後追
憶往事作估客樂四章使寶月奏之管絃

唐釋寶月有詩才唐詩品彙載其行路一首

明達

梁釋明達康居國人童穉出家嚴持齋戒行遊至梓州
牛頭山欲構浮圖創精舍不訪材石直覓工匠衆怪
其言達下求木乃於水中得一長材正堪剝柱俄涪
水大溢木流翳江楚率道俗通皆接取遠近併力浮
圖堂宇一時成就

唐釋明達住閬鄉萬迴寺往來過客皆謁問休咎未嘗
答應但示其旨趣而已李林甫為黃門侍郎扈從西
還謁達加秤於其肩至京而作相其占驗皆類此

法進

梁神僧邵碩與誌公最善及將亡謂沙門法進曰願露骸松下法進如其言昇屍露之明日往視失所在

隋釋法進住益州玉女寺唯業坐禪常有四老虎遶於左右開皇中蜀王秀臨益州邀至見進足離地四五寸大業末終於山中龍吟猿叫三日乃已

麻姑

後趙麻姑石勒大將麻胡秋之女其父猛悍築城嚴酷

晝夜不止惟鷄鳴乃息姑賢有恤民之心假作鷄鳴
羣鷄效聲衆工乃止父覺欲撻之女懼而逃入仙姑
洞脩道後於城北石橋飛昇

唐麻姑居建昌山中脩道得仙嘗降吳門蔡經家宴畢
昇天開元中封虛寂冲應真人事載顏魯公麻姑壇
記中

無相

隋無相禪師寓涪州相思寺不異恒人偶一時渡水濟

返無船乃以鉢安水中曰何為常擎汝汝可自渡水
便取芭蕉搭水立渡鉢亦隨來須臾達岸見者莫不
驚異

唐釋無相新羅國王第三子玄宗召見諫於禪定寺遂
入深谷巖下坐禪每入定五日為度成都縣令楊翬
疑其幻惑乃追至命徒曳之徒近相身一皆戰慄頃
之大風卒起砂石飛颺直入廳事飄簾捲幙翌叩頭
拜伏奉送舊所

智永

唐僧智永王逸少七代孫妙傳家法為隋唐間學書者
宗匠寫真草千文八百本散於世求書者如市所居
戶限為之穿穴用鐵葉裹之人謂之鐵門限

宋僧智永成都人長於傳模宛然逼真見畫繼

中外同名

楊僕

前漢宜陽人楊僕為樓船將軍擊南越有功封將梁侯

後漢獻帝建安十六年七月武都氏王楊僕率種人內附居漢陽郡

劉猛李恪

漢劉猛為尚書令有志操不肯附中常侍曹節被免官
禁錮唐太宗子吳王恪有文武才高宗即位拜司空梁
州都督晉泰始八年監軍何楨討匈奴劉猛累破之左
部帥李恪殺猛而降

陳湯

前漢陳湯元帝時為西域副校尉誅匈奴支單于斬
閼氏名王以下千五百餘級封關內侯後漢安帝元初
三年零陵蠻陳湯等千餘人著赤幘稱將軍燒官市抄
掠百姓州郡募善蠻討平之

楊統

後漢新都楊統習天文善推步建初中為彭城令武都
羌酋楊世之弟統晉太和初為武都太守

楊定

漢獻帝興平二年七月車駕東歸以楊定為後將軍侍
送乘輿梁天監十年武興國王楊孟孫死詔其子定襲
封爵為假節督沙州諸軍事陰平王

張茂

晉張茂凡兩人一吳國內史一平西將軍北魏延興二
年百濟國王餘慶遣其司馬張茂等上表自通願奉女
執埽後宮并遣子弟牧圉外廐

樊安

漢樊安延熹二年為中常侍而後魏東荊州蠻樊安聚衆反於龍山僭稱大號世宗詔以李崇為都督征蠻諸軍事率步騎討之生縛樊安

石寧

後趙石季龍以中書監石寧為征西將軍宋少帝景平二年宜都蠻帥石寧等一百二十三人詣闕上獻

楊俊

魏楊俊曹操時為南陽太守武都氐楊俊殺其從姪仇

池公揚國而自立

張威

晉張威起兵討楊難敵以其地歸李蜀宋張威為利州副都統制與金人戰屢立奇功宋少帝景平二年百濟王餘映遣長史張威詣闕貢獻

高翼

北魏高翼孝昌末為定州刺史封樂城縣侯晉安帝時高句麗王遣長史高翼奉表獻赭白馬

元緒

北魏元緒為幽州功曹叅軍莊帝初進武衛將軍太武
太延二年吐谷渾王慕瓚死封其弟慕利延為西平王
以慕瓚子元緒為撫軍將軍

高雲

北魏道武天賜四年慕容寶養子高雲殺慕容熙而自
立僭號天王梁武帝時高句麗王子高雲進號車騎大
將軍樂浪公

楊纂

北周楊纂事周文帝數有軍功位大將軍封隴東郡公
晉簡文帝時武都氏楊纂自立為仇池公遣使詣闕帝
以為秦州刺史

唐和

後魏唐和官濟州刺史封酒泉公宋慶厯三年湖南徭
人唐和等劫掠州縣提點本路刑獄楊旼募才勇深入
洞討擊

楊玄

隋楊玄平陽太守楊慶之祖以至孝知名北魏太武遣
大鴻臚公孫軌拜武都羌酋楊玄為征南大將軍都督
梁州刺史南秦王

李榮

唐李榮肅宗子靈昌郡王宋真宗咸平五年河西教練
使李榮等向化歸順

李萬榮

唐貞元中涇原鎮將李萬榮逐節度使劉士寧自稱留
後朝廷因而授之垂拱初封靺鞨酋長李萬榮為永樂
公萬歲通天中萬榮與松漠都督李盡忠俱為營州都
督趙翽所侵遂舉兵殺翽據營州作亂則天怒下詔改
萬榮名為萬斬盡忠為盡滅

餘慶

宋餘慶眉山人紹興進士南宋孝武大明元年百濟王
餘慶上表言冠軍將軍右賢王餘紀等十一人忠勒竝

求顯進於是詔加職銜見南史

吉祥

唐東川降魔寺僧吉祥魁梧多力受飯五鉢日夜誦經
九函池中魚知其數以名召之背出水面使去即沒見
雲仙雜記宋吉祥平陽人工畫佛道山水亦佳見圖繪
寶鑑又仁宗天聖五年天竺國僧吉祥等五人以梵書
來獻賜紫方袍

楊再興

岳武穆部將楊再興屢立戰功盡復西京險要及臨頴之戰以三百騎遇敵兵十二萬擊殺二千餘人及萬戶千戶等百餘人戰死獲其屍焚之得箭鏃二升高宗紹興二十四年武都蠻酋楊再興連年寇掠前軍統制李道破其衆擒送行在

外藩同名

高宮二

漢殤安之間句麗王高宮數寇遼東玄菟二郡魏明帝

景初二年命司馬宣王討公孫淵句麗王高宮遣數千人助軍其曾祖宮生能開目視人及長果凶虐數寇鈔其曾孫宮生墮地亦能開目視人句麗呼相似為位以似祖故名為位宮云見魏志

苻壽二

前秦苻壽偽主苻丕次子封長樂王

後魏大統四年南岐州氐苻壽反攻陷武都自號太白王詔大都督侯莫陳順討降之見氐傳

逸豆歸三

前燕慕容廆擊宇文乞得歸破之乞得歸棄軍走其東
部大人逸豆歸逐而殺之因自立為主

後燕慕容垂伐西燕慕容永軍至臺壁永遣太尉大逸
豆歸率衆來拒垂征東將軍平視擊破之永又遣征
東將軍小逸豆歸出戰垂遠西王農又擊破之斬勒
馬駒遂圍臺壁

摩訶末二

隋開皇中大食國有酋長摩訶末勇健多智衆立之為主東西征伐開地三千里宋太平興國二年大食國王訶黎佛遣使摩訶末等貢方物其從者目深體黑謂之崑崙奴詔賜其使襲衣器幣從者練帛有差

唐兩尸羅逸多

高祖武德初中天竺國大亂其嗣王尸羅逸多練兵聚衆所向無敵凡六載而四天竺之君皆北面臣之尸羅逸多自稱摩伽陀王及則天天授二年西天竺王尸羅

逸多來朝獻是五天竺七十餘年間有兩尸羅逸多也

唐兩阿史那泥孰

北突厥與西突厥同祖俱稱阿史那氏至隋而分為二
國唐太宗既擒北突厥頡利可汗乃封思摩為懷化郡
王令統頡利舊部又封泥孰為右賢王以二之西突厥
肆葉護可汗立素憚泥孰陰圖之泥孰遂適焉耆其後
肆葉護卒國人迎泥孰而立之貞觀七年遣鴻臚少卿
劉善因冊授為吞阿婁拔奚利邲咄陸可汗

唐兩婆羅門

貞觀十九年林邑國王范鎮龍為其臣摩訶漫多伽獨所殺其宗族竝誅范氏遂絕國人乃立其女壻婆羅門為王又天竺國即漢之身毒國也周圍三萬里其中分為五天竺中天竺據四天竺之會其都城週迴七十餘里云昔有婆羅門領徒千人肄業於樹下樹神降之遂為夫婦宮室自然而立僮僕甚盛於是使役百神築城以統之

唐兩默啜

則天天授中突厥可汗骨咄祿死其子尚幼其弟默啜篡位遣使來朝則天大悅冊立為特進頡跌利施大單于立功報國可汗又玄宗開元十九年康國王烏勒上表請封其次子默啜為米國王許之

唐兩李娑固

玄宗開元三年契丹首領李失活率種落內附封為松漠郡王拜左金吾衛大將軍失活死其弟娑固代領其

衆仍令襲其兄官爵又天寶五載封奚國王娑固為昭信王仍授饒樂都督兩國俱經太宗賜姓故稱李氏

遼兩耶律托卜嘉

一以定亂功臣為西南招討使招降準布酋長磨古斯因為所害贈兼侍中謚曰貞憫

一以平亂功臣為北院宣徽使擿發耶律伊遜謀逆事反為所誣追封漆水繪像宜福

遼兩耶律弘古

一約尼錫津汗之後統和初為伊喇詳袞徇地克敵
遷東京留守封楚國公

一樞密使華格之弟太平初為武定軍節度使討準布
有功聖宗嘗刺臂血與盟為友尋遷南院大王

遼穆宗時兩哈里

一應歷十三年正月癸酉殺獸人哈里

一應歷十七年十二月辛未手殺獲人哈里復嚮之

遼兩蕭罕嘉努

一南京統軍使以戰功遷殿前都點檢定封蘭陵
一天成節度使以文學擢翰林都林牙兼脩國史

遼兩耶律哈里

一約尼氏兆古汗之裔太祖託為耳目數從征討既靖
內亂始置約尼常袞命哈里領之一令公額爾德尼之子
保寧初為彰國軍節度使及曹彬米信等來侵哈里有
却敵功賜資忠保義匡國功臣封漆水郡王

金兩嚙順

一金景祖第三子沂國公天會末大封宗室進封王又一完顏部人舒魯之子景祖時舉部來歸居於安春水源庫堪山南

金兩博諾

金安帝第四子曰錫哩布錫哩布之子曰博諾勇毅善射佐世祖有功當時有與同名者嘗有貳志目之曰惡博諾佐世祖者曰善博諾世祖時博諾與罕都等五人
不離左右親若手足稱佐命元勳明昌間贈開府儀同

配饗世祖廟廷

金兩舒魯

金昭祖名舒魯又完顏部人亦名舒魯與昭祖同時同部同名交相得誓曰生則同川居死則同谷墓主人呼昭祖為勇舒魯呼舒魯為賢舒魯是時生女直無書契無約束不可檢制昭祖稍以條教為治諸部猶循舊俗不肯用條教昭祖耀武於青嶺白山順者撫之不從者討伐之所至克捷賢舒魯佐之也

金三額爾克

一荆王守純之子封曹王天興元年出質軍前初守純
府第產肉芝一株高五寸許色紅鮮可愛既而枝葉津
流濡地成血未幾額爾克出質明年崔立亂宗室皆死青
城又同時又有兩額爾克皆護衛出身一曰草火額爾克每
得賊好以草火燎之一曰板子額爾克嘗誤以官中牙牌
報班齊者為板子故時人各以是目之

金兩完顏耀珠

一特進齊之子齊弟京文皆以謀反誅世宗盡以其家財產與齊之子耀珠仍襲叔父京山東西路特默齊明安一本姓李氏為副都統以斬劉永昌等功遷鎮國上將軍賜姓完顏

金兩伊喇道

一大定初為翰林直學士世宗以其清廉有幹局翰林文雅之職不足以盡其才乃改西北路招討使至平章政事封莘國公

一為監察御史大定初從討幹罕招降叛奚累進刑部尚書

元兩達春

一札拉台之子歷事太祖憲宗拜龍虎衛上將軍伐高麗禦女真有功進遼陽等處行中書省平章事

一博和哩之子善騎射將兵伐宋多克捷屢加叅知政事領淮西行中書省事

元兩察罕

一幼牧羊於野太祖出獵見而異之挈歸給事內廷及長武勇過人破金滅夏多立奇功至憲宗時以都元帥兼領尚書省事賜汴梁歸德三千餘戶為食邑

一西域人魁偉穎悟博覽強記由昭文館大學士拜中書叅知政事暮年居白雲山別墅以白雲自號每入朝帝稱為白雲先生

元兩特穆爾布哈

一至元十六年為都元帥追宋將張世傑於香山島世

傑死降其衆數千人廣東諸郡及海島盡平

一宗室鎮南王托歡第四子托歡薨子博囉布哈幼特
穆爾布哈嗣為鎮南王鎮揚州及博囉布哈長特穆
爾布哈請以其位還之朝廷以其克讓改封宣讓王
移鎮廬州

元兩和尚

一世祖時為江南浙西道提刑按察使浙西宋故都民
衆事繁在職惟務鎮靜人服其知大體

一武宗時為忠翊校尉每從征力戰有功命領八衛把
總金鼓都鎮撫司事

元兩額森布哈

一博囉罕之子為華且齊長裕宗封燕王世祖命為之
傳且曰額森布哈吾舊臣子孫端方明信開習典故
爾每事問之必不使爾為不善也

一已延布哈德濟之子時信州被寇已延布哈德濟引
兵赴援入辭其母因命子額森布哈奉母間道入福

建

元兩蘇格

一太宗將南伐命蘇格使金覘虛實盡得其地理阨塞城郭人民之強弱以告得遂破金帝從容謂蘇格曰西山之境八達以北汝其主之汝於城中構大樓居其上使人皆仰望汝汝俯而諭之顧不偉乎乃以為山西大達魯噶齊

一壯勇屢有戰功至元中為順元等路宣慰使經理諸

蠻降八番金竹百餘等若以為郡縣東連九溪十八
峒南至交趾西至雲南咸受節制

元兩博囉特穆爾

一見忠臣傳由宿衛為襄陽路達魯噶齊至正間將義
兵討賊遇害

一見逆臣傳以勲臣為太保錄軍國重事至正間將叛
旅犯闕伏誅

元兩台哈布哈

一以外戚為河南行省左丞相代托克托總大兵征高郵
頗驕傲不遵法制其軍士又往往剽掠為民患被劾
伏法

一台州人家貧好讀書進士及第累進禮部尚書方國
珍之亂遷浙東宣慰使分兵使夾攻之前搏賊船射
死九人賊攢槊刺殺之

元兩托克托

一成宗時為上都留守通政院使朝議以江浙行省地

大人衆非世臣有重望者不足以鎮之進拜榮祿大
夫江浙行省平章政事

一順宗至正初為中書右丞相悉更已延舊政中外翕
然稱賢封鄭王食邑安封賞賚巨萬俱辭不受

元兩觀音努

一見良吏傳泰定進士知歸德府廉明剛斷擿發如神
民有冤獄雖數十年前事皆立為剖決一見遼史提調
修史事官儒林郎右司都事按前人傳未嘗為此官亦

未嘗預修史事足徵別是一人

元兩達實特穆爾

一翰林學士承旨知制誥兼修國史一浙江行中書省
平章政事預修宋史及提調鏤板等事俱見宋史目錄
俱至正時人

金宗室同名

金氏完顏宗室表云書名不書氏其制如此

昂 杲 襄 阿林 薩哈 達蘭

和卓 幹魯 威泰 富勒呼 阿里布 實圖美

實古納 薩黑罕 阿里罕

昂二一世祖子鄆王平章政事一伯勒赫之孫漢國公尚
書左丞相 杲二一世祖第五子都元帥遠越國王一
富勒呼之後副元帥應國公 襄二一海陵母弟輔國
上將軍一昭祖五世孫擢殿前副都點檢左丞相南陽
郡王 阿林二一太祖之子壽王太子太保一摩囉歡
之子兵部尚書 薩哈二一韓國公和卓之長子固倫

烏赫哩貝勒贈金源郡王一金源郡王寶圖美之子平
章政事濟國公 達蘭二一銀青光祿大夫加特進一
金源郡王尼楚赫之子左副元帥平章政事 和卓二
一德帝季子天會間贈特進一景祖長子韓國公 幹
魯二一德帝之弟始祖明懿皇后六十歲後所生一韓
國公和卓之子西南西北兩路都統追封鄭王 威恭
二一世祖第三子為裨將追封魏王一富勒呼之子廣
威將軍

富勒呼二一太宗長子宋國王拜太師領三省事一楚
王摩羅歡之子襲明安贈金紫光祿大夫 阿里布二
一特進伊克之子行臺參知政事一太宗第五子 闕

實圖美二一魯王烏哲之子驃騎衛上將
軍一光祿大夫呼實哈之子博索路兵馬都總管

實古納二一完顏部人羅索之子侍衛親軍都指揮使
北京留守一鎬王允中之子光祿大夫 薩里罕二一

曹王宗敏之子舒王一宣宗朝判大睦親府事為中京

留守阿里罕二一景祖第八子固倫英實貝勒
贈隨國公一鎬王永中之子奉國上將軍

歷代名諱考

左傳云周人以諱事神名終將諱之故晉以僖侯廢司徒宋以武公廢司空先君獻武廢二山是以大物不可以命蓋慎之也

檀弓云夫子之母名徵在言在不稱徵言徵不稱在此二名不偏諱也

齊東野語云周頌祀文武樂歌雖之篇曰克昌厥後噫
嘻之篇曰駿發爾私此廟中不諱也春秋僖公名申而
書戊申定公名宋而書宋仲幾莊公名同而書同盟此
臨文不諱也文王諱昌而箕子陳洪範曰使羞其行而
邦其昌厲王諱胡而宣王時詩曰胡不相畏胡為虺蜴
周禮有昌平之俎詩有感發之詠大誥弗棄基不諱后
稷棄字孔子父叔梁紇而春秋書臧孫紇成王諱誦而
吉甫作誦之句正在其時此詩書不諱也

家訓風操云凡避諱者皆須以其同訓字代之是故桓公名白傳有五皓之稱厲王名長琴有脩短之目始皇名政秦楚月表有端月之書第不聞謂布帛為布皓呼腎腸為腎脩號左證為左端也

余按史記景帝諱啟以微子啟為微子開武帝諱徹以徹侯為通侯蒯徹為蒯通宣帝諱詢以荀卿為孫卿元帝諱奭當時奭氏改為盛氏漢司徒盛允其後也東漢明帝諱莊謂莊光為嚴光莊君平為嚴君平殤帝諱隆

以隆慮為林慮安帝父清河孝王諱慶以慶氏為賀氏
自是而三國吳大帝立子和為太子改禾興曰嘉興逮
晉宣帝諱懿王仲德乃以字行元帝諱睿王元德因以
字著景帝諱師以師保為保傅以京師為京都文帝諱
昭以昭穆為韶穆昭君為明君韋昭為韋曜愍帝諱鄴
以建鄴為建康至若隋文帝父諱忠凡郎中皆去中字
侍中為侍內中書為內史中廬為次廬煬帝諱廣以廣
樂為長樂廣陵為江都至若唐高祖之祖諱虎以猛獸

代之晉書易石虎以季龍南史易周鐵虎以鐵武北史
易韓擒虎以韓擒又易張彫虎以彫武赤虎儀同為赤
彪虎賁之士為武賁高祖之父諱昞晉書及北史丙字
皆以景字代之景寅景子景戌之類高祖諱淵改龍淵
為龍泉晉書劉淵為劉元海戴淵為戴若思北齊趙
文淵為趙文深太宗諱世民凡言世皆曰代民皆曰人
南史王規傳俊民作俊人又民部曰戶部高宗諱治凡
言治皆曰理陸贄曰與理同道罔不興協從罔理韓文

策問垂衣裳而理無為而理玄宗諱隆基以隆州為閬
中代宗諱豫以豫章為鍾陵德宗諱适改适州為處州
穆宗諱恒改恒山為常山此歷代帝名之諱於當時者
也不特此也吕后名雉封禪書謂野鷄夜雊晉簡文鄭
后名阿春以春秋為陽秋富春為富陽蘄春為蘄陽武
后名曁以詔書為制書鮑照為鮑昭中宗太子重照為
重潤光宗慈懿李后名鳳娘六宮呼金鳳花為好兒女
花此歷代后名之諱於當時者也又不特此也秦莊襄

王名楚秦紀改楚王為荆王後趙避石勒謂馬勒為轡
羅勒為香菜吳越錢武肅王諱鏐改劉氏為金氏留住
為駐住揚行密據江淮淦人呼苻溪為菱溪揚州民呼
蜜為蜂糖梁朱溫父名誠攻城曰墻又改曰州如東都
州南州北是也又不特國諱為然也司馬遷父名談史
記趙世家以張孟談為孟同季布傳貴人趙談為趙同
與任安書同子參乘爰絲變色王羲之父名正每書正
月為初月或作一月餘則以政字代之范曄父名泰後

漢書郭林宗為郭太鄭公業為鄭太李翺父名楚金故為文皆以今為茲蘇子瞻祖名序故以序為叙或改作引此又家諱之可徵者也

顏氏家訓曰梁世謝舉甚有聲譽聞諱必哭為世所譏又臧嚴之子臧逢世篤學修行不墜門風嘗督事建昌郡縣脩書有稱嚴寒者必對之流涕此竝過事也又曰劉縉與弟緩竝為令器其父名昭一生不為照字惟依爾雅火傍作炤耳故凡文與正諱相犯自當避忌其有

同音異字不必悉然儻若呂尚之兒不得為上趙壹之子不可作一便是下筆即妨見書皆觸矣此顏介氏不諱嫌名之說也猶得三代遺意後世諱名者所當法也

同姓名錄卷十二

欽定四庫全書

同姓名錄卷十三

明 周應賓 撰

孔甲二

黃帝時孔甲為史官

孔子裔孫孔甲為陳涉博士

離婁三

黃帝臣離婁明目孟子所稱離婁之明是也

殷時亦有離婁

三國時亦有離婁見管輅傳其人微不足道

趙隱三

趙隱為牧正

元魏趙隱南陽宛人掌機密文翰官至左僕射

唐趙隱字大隱京兆奉天人相懿僖二宗

左師觸龍二

桀臣左師觸龍以拒諫導桀於是龍逢死而夏亡

見說苑

趙左師觸龍以愛少說威后於是長安君出質而趙安

見戰
國策

南宮适二

一武王亂臣一孔子弟子南容

浮丘伯二

成周時浮丘伯學道嵩山作原道之歌

見列仙傳

漢高帝時浮丘伯以詩授弟子是為申公之師

宋朝二

宋兩公子朝皆曰宋朝一為司寇乃桓公弟一出奔仕

衛論語宋朝之美是也

石乞二

一為衛太子蒯瞶之黨以戈擊子路者

一為白公勝之徒勝死就烹而不辭者

公孫朝二

一為衛大夫有仲尼焉學之問者

一為楚武城尹白公之子率師滅陳者

公孫龍三

一孔子弟子字子石

一為堅白異同之辯與魏牟問答者

見莊子

一平原君客嘗勸平原君辭封者

見戰國策

吳公子慶忌二

一王僚子欲復王僚之讐而為要離所殺

見吳越春秋

一夫差臣欲除吳臣不忠者而為夫差所殺

見左傳

季梁二

隋臣季梁嘗諫隋侯追楚師

見左傳

魏人季梁嘗諫魏王攻邯鄲

見戰國策

戰國姚賈三

趙使姚賈約韓魏韓魏之君皆友之趙王欲逐賈以茅舉之言而止

魏使周最入齊秦王恐其通齊也怒之使姚賈讓魏王秦令姚賈絕四國之從賈以王之重寶交於四國韓非諧之王怒以賈之對而止

楚莊躋二

一為莊王時大盜與盜蹠齊名所謂蹠蹠是也

一為威王將軍畧地至滇池因而自王者

司馬喜二

一戰國中山王相司馬遷之遠祖

一漢五大夫司馬遷之大父

王陵二

秦昭王時有五校大夫王陵

漢高帝功臣有安國侯王陵

漢召平二

一故秦東陵侯種瓜青門者

一齊哀王相齊王欲舉兵誅諸呂平以守兵之反為魏勃所紿自殺

陳嬰二

一秦東陽令漢封堂邑侯

一漢葉侯錯之子

漢王臧二

兩王臧俱武帝時人其一二以郎中令自殺其一六年為太常

漢韓安國二

一武帝時御史大夫拜護軍將軍

有傳

一元帝時定襄太守拜建威將軍

見馮奉世傳

孔安國二

漢武帝時孔安國孔子十一世孫也為博士以儒術顯
晉安帝時孔安國孔愉子也歷尚書左僕射亦以儒素

顯

何武二

漢成哀時何武為大司空御史大夫王莽以不附已誅之

唐何武壽州人嘗被誣至州投石自明守釋之未幾寇起武請於守力戰而死

丙吉二

前漢宣帝時丙吉為丞相

後漢安帝時丙吉為太子廚監

韓延壽二

漢韓延壽厯淮陽潁川太守左馮翊治行為天下最

五代周韓延壽東郡太守尚禮義好古教化治行亦為天下最

陳崇三

一漢平帝時南鄉侯

一唐江州刺史伯宣之子

一宋崖山令隱之子

陳咸三

一漢陳萬年子字子康官尚書令莽召為掌冠大夫不
應

一宋陳升卿子字逢儒司農少卿從安丙討吳曦者

一宋陳越兄寶謨閣待制

陳欽三

一尚書令咸之子不仕莽

一字子侯莽從受左氏春秋仕莽為厭難將軍

一字思讓後周長州刺史

王郎二

一邯鄲人詐稱成帝子興為光武所誅者

一三國東海剡人漢末遭亂雖流離窮困而收卹親舊
行義甚著事曹氏三世封樂平鄉侯

李通二

漢光武時李通封固始侯

魏武時李通封都亭侯

陳忠四

一漢陳寵字伯始明習法令遷廷尉屢有直言終尚書令

一漢陳謚子青州刺史

一唐潁川人宰相夷行之祖

一宋寧晉人諡茂行先生元左丞祐之祖

陳蕃二

一字仲舉漢太傅封高陽侯

一字伯仁隋資陽令

陳泰三

一漢陳羣子字立伯潁陰侯

一義門兢之弟

一字同志宋進士及第

王宏二

漢王宏弘農太守為政嚴強威振隣境

晉王宏汲郡太守撫百姓如家人躬行課訓有殊績武
帝下詔褒之

劉平二

漢劉平彭城人全椒長有惠政先有虎為害平至日南
渡而去

宋劉平權瀘州夷人寇青井平率土丁三千擊走之夷
人不敢犯邊

史弼二

漢史弼平原相時詔書下舉鉤黨弼獨不上曰他郡自有平原自無

元亦有史弼以戰功官福建行省平章政事封鄂國公

賈逵三

漢賈逵字景伯平陵人受左氏春秋尚書毛詩學者稱
為通儒

魏賈逵字梁道襄陵人為弘農豫州刺史文帝稱為真
刺史

宋賈逵建武軍節度使有戰功

陳登二

漢陳登廣陵太守有時名

宋陳登淳祐間知新昌縣政平訟理民懷其德立祠祀之

劉珍二

漢劉珍字秘孫永初中為謁者僕射與馬融等校定東觀五經百家文字又撰釋名三十篇以辯萬物之稱

云

隋劉珍居安樂山開皇中忽以所齋丹經鐘磬封石室
中曰六十年後當有聖君取之唐高宗聞其事遣使
取丹經鐘磬以進

李充二

漢李充字大遜家貧兄弟六人同食遞衣妻有私財勸
令分異充即逐之母喪行服墓次有人盜其墓樹者
充手殺之選侍中見忤鄧騭改中郎將年八十為國

三老安帝賜以儿杖

晉李充字弘度少孤其父墓中柏為盜所斫充手刃之
有文學兼善楷書再為王導褚裒叅軍遷大著作郎
於時典籍混亂充刪除煩重以類相從分為四部甚
有條貫秘閣以為永制

劉陶二

漢劉陶字子奇官侍中改諫議大夫屢有直言嘗上鑄
錢議

晉劉陶為揚州刺史

見劉
隗傳

李燮二

漢李燮固之子桓帝時河南尹時以貨賂為官詔書復發橫錢三萬以實西園燮上書諫止

西魏李燮京兆尹吏民歌之曰恩如春威如虎愛如母訓如父

李衡二

三國李衡吳丹陽太守每欲理產業妻習氏不許乃密

種橘千株以貽其子

宋李衡江都人歷官州縣有聲以秘書修撰致仕聚書萬卷自號樂庵

劉劭二

魏文帝時劉劭為尚書郎受詔集五經羣書作皇覽又撰人物志行於世

晉劉劭有才幹歷御史中丞侍中尚書

見劉
隗傳

晉解系二

一雍州刺史為趙王倫所殺

有傳

一九真太守董元勇將為元所殺

見陶璜傳

葛洪二

晉葛洪字稚川有仙術

宋葛洪婺州人叅知政事侃侃守正有大臣風

張邵三

晉張邵瑯琊內史時劉毅用事其門如市惟邵不往宋

武帝聞而重之轉太尉叅軍武帝受命封臨江伯

南北朝張邵為宋雍州刺史修立堤堰闢田數千頃公私充足

宋張邵烏江人以直龍圖閣使金議論不屈留于北十餘年而歸

成公綏二

一晉中書郎有俊才長於詞賦張華每見其文歎伏以為絕倫

一幕容超太史令超因灾異密詢於綏綏謂失政所致

超懼而大赦

晉王渾二

一為涼州刺史係戎之父與阮藉友者

一為司徒係濟之父與王濬爭功者

晉周撫二

一為彭城内史以反誅

一為王敦將

何隨二

晉何隨江陽人舉孝廉不就即家拜本郡太守邦人稱云江陽皎皎何使君

宋何隨郫縣人仕蜀為安漢令蜀亡去官時巴土大饑遣吏取民芋以自給隨以綿擊其處民見之曰聞何安漢清廉必此人也

劉潛二

南北朝劉潛梁赤城郡守時憲令疎闊百姓多不遵業潛綏撫有術俗為之變

宋劉潛祁陽縣令民多逋亡潛作還鄉歌招來之民皆感泣而歸

蕭鈞二

一蕭鸞字梁武時中書郎

一蕭瑀從子唐太宗時率更令

徐勣二

唐徐勣字懋功即李世勣

宋徐勣字元功龍圖閣直學士以不附蔡京致仕

陳繹二

一陳叔明孫唐侍御史

一宋翰林學士出知建昌軍賓禮郡人呂南公為諸儒

倡

有傳

張昌宗三

唐則天時張昌宗倖臣也高宗時有張昌宗為修文館

學士

宋張昌宗漢陽人八世同居嘉定間表為義門

杜佑二

唐杜佑官司徒岐國公著通典二百篇

元亦有杜佑性至孝父歿廬墓有馴兔之瑞

王縉二

唐王縉乃維之弟為宰相

有傳

宋王縉分水人官御史司諫每謂人才實難多事之際尤宜為朝廷愛惜以故不事彈擊而惟論安危大計高宗以得諫臣體稱之

郭震二

唐郭震字元振魏州人朔方大總管封代國公

宋郭震字希聲蜀州人博學能詩所著有漁舟集

唐韋綬二

一為翰林學士

一為華陰令

唐李光進二

一光弼之弟一光顏之兄皆為名將秉節鉞

唐李益二

兩李益皆憲宗時人一為尚書一為庶子嘗有禮會尚書李益歸笑謂家人曰大堪笑今日局席兩箇座頭總是李益

唐韓翃二

兩韓翃皆文宗時人一為平廬幕府員外一為江淮刺史時知制誥闕人帝命與韓翃中書具二人進帝書春城無處不飛花詩云與此韓翃

唐王仲舒三

一為左拾遺與陽城共諫裴延齡入相後為江西觀察使

一蘇州刺史為政不擾治為天下最

唐王忠嗣二

一朔方節度使有破賊功為時名將

一為代州別駕大猾閉門收斂不敢干法數輕騎出塞

王遇二

唐王遇武進人肅宗時與弟遐俱為盜所執將殺其一
兄弟爭死賊俱釋之

宋王遇龍溪人知常州終戶部郎中師事朱文公著兩
漢博議

杜衍二

唐杜衍知乾州後再知永興軍時方用兵民苦調發衍
區處有方比他州費獨省

宋杜衍山陰人為宰相封祁國公

王旦二

唐王旦知博羅縣勤於農事百姓賴之

宋王旦為宰相

王昌齡二

唐王昌齡以詩名

元王昌齡守衛輝路導水溉田有惠政

張齊賢二

唐張齊賢知永興軍時閤門祇候趙贊以提點關中芻

糧所為多不法齊賢列其罪抵於法焉

宋張齊賢為宰相

李琪二

五代李琪燉煌人舉進士事梁為翰林學士梁亡事唐
為右僕射有文章名

宋李琪伊闕人以材力厯事太祖太宗真宗至左武衛
大將軍有貪鄙稱

王殷二

一為朱梁節度使以反誅

一為漢節度使隱帝欲殺之不就後仕周復為節度使
為太祖所殺

高昉二

宋高昉壽陽人好學善為詩太祖時為樞密直學士

元高昉元城人官湖廣行省平章招撫兩江叛民以功
受賞

宋王永二

一華陽人為太宗右補闕吳越納土永受命徃均賦悉除無名之算太宗嘉之琪之父

一鄆人舉進士知眉州恂恂謹飭有令譽維之父

宋王繼勳二

一陝西平陸人磁州團練使一孝明皇后母弟

各有傳

宋王鼎四

一為神仙自號王風子真宗召至禁中長揖不拜有脩

真書

一為翰林學士涿州人博通經史時馬唐俊有文名上
已與鼎被襖因飲索鼎賦詩鼎援筆立就馬俊驚其
敏妙

一河北都轉運鹽使性廉父財悉分諸弟奉使高麗得
千緡盡數散之族人

一知深建二州深卒有謀應反賊王則者鼎先期禽之
知建令行禁止

宋王陶二

一王陶萬年人爽邁善書翰林學士出知陳許蔡汝四

州有傳

一王陶嘉祐中提點福建刑獄以滌寬澤物為心日著聲譽

王晉卿二

宋王晉卿漢州刺史時蜀初平寇盜充斥晉卿設方畧捕之劇賊遠遁

元建德尹有政績民為立生祠

宋王延德二

一開封人知華州上太宗南宮事迹三卷

一大名人左千牛衛上將軍以攀附得官傾險好進時人惡之

宋張忠二

兩張忠俱開封人一英州團練使一永興副都督並仁

宗時人

宋張觀二

一字思正絳縣人吏部侍郎兼御史中丞

一字仲賓毗陵人度支判官廣南西路轉運使並仁宗

時人

宋王佐二

一王佐山陰人朱文公榜進士第一知平江府有聲

一長寧守將元兵拔長寧佐及其子不屈死之

宋黃震二

一字伯起建州浦城人一字東發明州慈谿人俱以直

言稱各有傳

宋王應麟二

一知徽州其父撫嘗守是郡父老曰此清白太守子也
一鄞人官禮部尚書翰林學士學問該博著玉海等書
宋孫益二

一揚州泰興人紹定中李全犯揚州益應募拒賊戰死
一不知何許人宣和末知寧朔府救太原戰死並見
忠義傳

傅霖二

宋傅霖隱士與張詠同學詠貴求霖三十年不可得一
日詣詠詠問昔何隱今何出曰子將去來報子耳後
一月詠卒

金亦有傅霖官崇義節度副使歿於兵

宋王益二

一景定間知蘄州治尚寬和嘗開麒麟山立郡治得古
墓碑云本有千年地姑借五百年感謝王刺史移我

過西園

一臨江軍判官明察敏斷吏不敢欺郡有蕭灘舟渡者
必敗吏因呼為判官灘

女麻姑三

一漢時王方平妹同過蔡經家者

一石勒將麻胡秋之女其父勇悍人畏之築城晝夜不
止惟雞鳴稍息姑有恤民之心偽為雞鳴衆雞效之
工乃止父覺欲撻之女懼而入仙姑洞後乃飛昇

一建昌人脩道於牟州姑餘山宋政和中封真人一云
劉氏有大槐忽夢一女官乞槐修廟後數日失槐所
至迹之乃在麻姑廟前

王生

漢文帝時有王生張釋之為結襪者

餘見前錄

劉章

漢光武兄子劉章嘗為平陰令不以貴自驕在邑有善

政

餘見前錄

王信

宋王信知紹興府境有湖四面皆田歲苦旱信創斗門築壩捍滙浸為上腴民立祠其上號曰王公湖

餘見前錄

王褒

梁元帝時王褒為左僕射魏師入都與皇太子出質請

降

餘見前錄

王平

宋太中祥符中知福州時轉運使王贇欲增福州官田
租稅平不可乃止

餘見前錄

王式

唐王式宣宗時晉州刺史歲歉民徙他州不納式勞恤

之活數千人

餘見前錄

任安

蜀處士任安有學行秦宓薦之劉焉焉表諸朝以時亂

聘命不及

見秦
宓傳

餘見前錄

王霸

漢王霸上谷太守與烏桓大小數百戰北邊無事

餘見前錄

李固

一漢泰山太守先是境內盜起追討不服固至以恩信綏之盜皆散去

一晉荊州刺史荊州盜起命固治之固到盡赦前罪與之更始於是賊帥自縛歸首固皆原之半歲間境內清平

餘見前錄

張儉

唐張儉代州刺史勸民墾田力耕公私皆足

遼亦有張儉進士第一官左丞

餘見前錄

王沉

南齊王沉秣陵令清廉戒慎身恒食祿而家日貧

餘見前錄

王質

唐王質號州刺史李德裕器之後為河南尹政化大行
宋王質以轉運使攝荆南府時有訟婚者訴貧無資故
後期質出私錢助之吏捕盜人衣者曰為饑寒迫耳
質命取衣衣之

餘見前錄

張說


南宋張說劉瑀為益州瑀去任將佐吏以去曰隨我上
豈可為張說作西門客耶

餘見前錄

王素

五代利州太守王素行寬政減苛法

餘見前錄



同姓名錄卷十三

總記

應城陳氏姓鴈云晉書有萇從簡五代史亦有萇從簡
名疑云黃帝臣有風后夏禹時亦有風后黃帝臣有扁
鵲善醫戰國時亦有扁鵲善醫黃帝臣有伍胥楚亦有
伍胥逸民有朱張後漢亦有朱張

字孫卿

六國有樓緩而

漢淮南王臣亦有樓緩秦末有田疇而三國魏亦有田
疇漢荊州太守有巨武而苻堅將亦有巨武王氏宛委
餘編云僧有兩智永一為晉書僧一為宋畫僧五代有

兩王彥章一梁大將為後唐所擒一吳統軍為楚所擒
唐則天時有兩王方慶一為相一為尚藥奉御唐昭宗
時有兩李繼昭一本孫德昭一本符道昭俱賜姓名降
朱梁為使相卮言云南朝有兩劉琨文人有兩蘇子卿
此皆前錄所未載者

湘東王有同姓名錄一卷今其書不傳余僧杲廣為
四卷詳矣予搜而補之復得若干人蓋以成僧杲之
志爾其諸盜賊不錄異域不錄名位不顯行業無聞

者不錄至於漢唐宗室重複者多要無關於臧否亦
所畧也觀者當自得之四明周應賓識

